

Kayëta ixinëm ir Şaŋ in Lilaya in

Ar yëgwëk kayëta ijo an wăcaya ko «Axarëk an». Okëreceŋ oňanar od bax fënënd kayëta ijo ok rek mëne Şaŋ, parëxanda ir Yesu Kërisët exo axarëk ajo. Gayikako bend kë sëyalind beŋ awëndër wëndërëk gë bend gër kayëta iyanar ir Şaŋ beŋ. Ata gër osëyali olo er ex: ediya ed gër đal do gër aňana el do gë ekwëyëta ed bër kë sëyalind bend fitarëk gë osëyali oyanar el. Er ex gër akayëta in:

End ar yëgwëk kayëta ijo eŋ: 1-3.

End apela and aňana eŋ: 4-6.

End ekwëyëta ed bësëyali bënëgwëš eŋ: 7-11.

Bapela bapelatar baŋ: 12-13.

Ecëmar el

¹ Wëno axarëk an këŋun yëgwënëlinde wëj Asoxari ar sana këŋo Kaxanu an, do gë obaš oreŋ ol. Wëno enim ñan këmun, ado đek bër nangëk đal bën aňan ñan kënun bëte, ax gi ex na wëno fo. ² Aňan ñan këmun gayik đal in gër owëkw orebi ex do din kë bayi. ³ Faba Kaxanu, gë Yesu Kërisët, Asëñiŋ, yëlëlenëbo oyekax ol, gë axayënan in do gë obetak ol ene diyaxënënde gër đal do gër aňana.

End đal eŋ do gë end aňana eŋ

⁴ Mbaŋ nëŋan ke ga sëk këmëni obaš oreŋ orëmar ga këni liyand gër đal, ang rek apela

and yël këbo Faba Kaxanu ak. ⁵ Do gërëgako wěj Asoxari ajo, axara xara këmi: balëringdëlebo andebi rebi aņ. End këmi yëgwënëlinde eņo awël wël këne elod gër yānar, ax gi ex na apela angaşax. ⁶ Aņana aņ ex edi ed er kë rend bapela band Kaxanu el. Awa apela aņo yāpëk ene tēfe gër anıyan andebi ang wël këne elod gër yānar ak.

⁷ Enimin, bēyifa bēranjëm şanayawëk gër ngwën do këni rend mëne Kërisët axo yow bana hi ko ala. Ata bën ex de bēyifa bën, bērangoyëra and Yesu Kërisët bën. ⁸ Titinayin gër anıyan andewën, kërex capër na andıyen andebi aņ. Barikan kemēnayin en cotaxën acosa anjekax aņ.

⁹ Ar kë başënd yo bendey becëxe, axo bayi ex na gë end sēyali këbo Kërisët eņ fo. Ala ajo axo gi ex na ar Kaxanu. Barikan ar xwëtayak osēyali olo an, abar bar këni gë Faba Kaxanu do gë Asëniw. ¹⁰ Angëmëne ala exo yeli gër ndewën do axo mëlali ex na osēyali olo, këreno kacad na gër iciw indewën, këreno cëmad na dëņ! ¹¹ Gayikwa ar këņo şëma an anëka şoma këņo gër bandıxa bañëņax bandexëm.

Bepelatar beņ

¹² Ado ga yëmbëk bebër yëgwënili domun bën, axe nāandi bana mun pelëra gë oñëgw. Barikan ayar këme yarënd mun nēngali mun pelërax wëno dëņ, do ebo nēngandëraxën biyi dek.

¹³ Obaş or imaşe itoxari indey ind sana këņo Kaxanu ol aşëma këni şëmand.

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: (Oniyan)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

8b7902f3-5e35-5b89-86b2-c6da1be458b9